

## LANTANA IL FILM DAL MAIS

da Curdin Fliri



Ina dunna svanisch.

Quatter nozzas vegnan intretschadas en ina rait d'amur, engion, sex e mort.

Tuts na vegnan betg a survivor.

LANTANA è in drama psicologic che sa confunda cun ils temas amur, infidelitad e disfidanza. I sa tracta dals sbagls che nus fashain, da las consequenzas che nus patin e da la fadia che nus dain per empruvar da meglierar chaussas. Il policist Leon (Anthony La Paglia) survegn l'incumbensa da retschertgar la scumparsa misteriusa d'ina autura renumada (Barbara Hershey). Sper sia lavur al turmenta er anc sia infidelitad envers sia dunna (Kerry Armstrong) la conscienza. Cun scuvrir toc per toc il cas da l'autura vesa el adina pli profund en las relaziuns dals pèrins enturn el che n'èn betg uschè perfettas sco pretendidas. Mintgin e mintgina ha insatge da zuppantar, vegn suspectà, è culpabel. Ils secrets e las manzognas sa cruschen cun las retschertgas da Leon ed al mussan ina via or da si atgna crisa. La tschertga da la vardad e da sia fortuna persunala è plain misteris – misteris uschè spess e spinus sco la bostgaglia da lantana.

La bostgaglia da lantana vegn avant in Australia. Da là vegn er quest film. LANTANA è fatg dal producent Jan Chapman (The Piano) ed è vegnì scrit da l'autur Andrei Bovell tenor il cudesch "Speaking in Tongues".

La reschia ha manà Ray Lawrence. Il film ha già gudagnà 7 Oscars australians. Tar nus è quest film en ils kinos davent dals 14 da november.